

auffi dans toutes les bourgades voisines; qui se voyans moins attaquées du mal, se refiouiffent d'estre demeurées oppiniaftres dans l'infidelité, & s'endurciffent plus que iamais dans les resolutions non feule-ment de refufer la Foy, mais mefmes de ne pas escouter ceux qui leur vont annoncer. En effect en la ronde que nous venons de faire nous auons trouué quasi par tout les cabanes fermées, & plusieurs qui se voyoient surpris pluftoft qu'ils n'auoient pû pre-voir nostre arriuee, nous ont incontinent chaffé; d'autres ont dit qu'ils estoient sourds, & mefme se font malicieusement bouché les oreilles, crainte de nous entendre: d'aucuns faisoient des fols & demoniacles, [103] & s'efcrioient qu'ils ne pouuoient fupporter nostre veuë: Quelques-vns s'enfuyoient & nous laiffioient la cabane quasi vuide: en vn mot ils ne veulent pas entendre ce qu'ils ne font pas refolus de faire. Nous n'auõs pas laiffé quasi en chaque bourg de gagner quelques ames à Dieu, finon dans celuy de faincte Terefe où nous eufmes vn plus mauuais accueil. Nous ne fufmes pas pluftoft arriuez qu'un ieune homme bien fait nous prie de l'instruire; il escoute volontiers, & à le voir on eust iugé qu'il gouftoit les paroles de Dieu. Apres vn long temps voicy vn autre Sauuage fort mal fait, qui se presente le vifage tout enflammé, & nous commande de fortir. Je me leue, ce ieune homme que nous auons instruit m'arache avec effort le Crucifix que ie portois au col, il prend vne hache en main, dit que refolument i'en mourois. Je ne crains pas la mort, luy dis-je, tu deurois me remercier de ce que nous venons t'enfeigner: fi tu me veux tuer, ie ne fuiray pas, car la mort me mettra au Ciel. Il leue la hache droit fur le